

## ԿՐԻԿՈՐ ՄԱԶԼՈՒՄՅԱՆ

### ԵՐԳ ՀԱՄՇԵՆԻ ՄԱՍԻՆ

Թո՛ղ դառնամ թիրախ ես չար ոսոխի,  
Թո՛ղ սուր ու հրով իմ անձը հերքեն -  
Պիտ երգեմ գովքը Համշենիս հողի,  
Այնպես, ոնց ոչ ոք չի կարող երգել:

Լսե՛ք, ծնվում է կիճերի շեմին  
Ոչ թե շառաչը հողմերի համառ,  
Ձանն է հայրենյաց՝ իմ հին Համշենի՝  
Գալիս դարերի խորքերից խավար:

Վերջին հանգրվան, իմ հին Հարդաշեն,  
Հիշում եմ արևդ, ամպերդ ձորի:  
Կիմանա՞ս, ասա՛, հայրենի Համշեն,  
Վերադարձը քո կարոտյալ ծոռի:

Փուրգունա, Վարշամ՝ շեներ սուրբ հողի,  
Ծանոթ պատկերներ՝ սարեր, գետ, ջրվեժ,  
Բառքառ Համշենի, քարեր կոթողի,  
Ապրում եք իմ մեջ ու շնչում հավերժ:

Առյուծգլուխ ավազներ դեղին՝  
Ագահ վագրերի աչքերի նման,  
Արյունը հայոց՝ մեր վիշտը լեղի

Պահեցեք հավեժ՝ նինջ չկա նրան:

Այն ճիշը հավերժ, աշխարհն ի ցնցեալ,  
Այն վերջին ճիշը մեռնող հայուհու....  
Միան քո դաժան, սև հոգին, Քեմալ,  
Կարող էր ծնել այդքան չարություն:

Սպանված, մորթված, խոցված, անարգված  
Հազար ու հազար, եղբա՛յր, մայր ու քույր,  
Ավագուտներում թաղված, անմոռաց,  
Հոգիներն են ձեր կանչում ամենուր:

Երկինքն էր կախվել՝ առճիճ էր գյուման,  
Ամեն ինչ փլված հոգու մեջ քո շեն,  
Հոսանքը մարդկանց՝ արյունիդ նման  
Հոսում էր, կորչում, իմ խաչված Համշեն:

Թեժ էր ավազդ, օ՛, Արաբստան,  
Ու գիրկդ դաժան, ափերդ օտար,  
Քո ավազները – եղեռնի ոստան,  
Այրում են հուշիս ծվենը մադար:

Քեզ սատանա է ծնել մի խարդախ,  
Մնել ստվերը նենգ Հերովդեսի,  
Դարձրիր Դեր-Չորը գերեզման, ավաղ,  
Հայոց մայրերի, հայ մանուկների:

Դու սպանդար՝ մութ, սև միջնադարի,  
Քեզ ողբը մանկաց երբեք չի հուզել,  
Որովայինն ես խոցել այն բարի  
Կանաց, որոնք սուրբ երկունք են ուզել:

Զգիտեմ քեզանից նենգը մարդկանց մեջ...  
Այն սարսափելի գարշանքն եմ հիշում,  
Երբ դուք սերբական գանգերից այն խեղճ  
Դամբարան էիք կառուցել Նիշում:

Ենիչարնե՛ր, անխիղճ, տմարդի,  
Հոշոտելու պատրաստ շան նման...  
Քեմա՛լ, համիդնե՛ր, ժամը սուրբ դատի  
Դեռ կգա մի օր, կտեսնեք նրան:

Եվ ահա ձոր ու կիրճերից դանդաղ  
Մշուշն է ելնում, նման շարանի,  
Եվ գավակների՝ Համշենի, անթաղ,  
Ստվերներն են լուռ գալիս դիվանի: